



Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 211. Ordinis FF. Minorum Minister Generalis Constantinopolim missus.

[urn:nbn:de:hbz:466:1-66272](https://nbn-resolving.de/urn:nbn:de:hbz:466:1-66272)

probabat, licet interdum, ne hærefis con-Sæcul. XV.
vinceretur, sacris operatus esset, atque A. C. 1422.
abjecta omni Religione quascunque se-
ctas ludibrio habebat, id solum fidei ca-
put existimans, quod solo naturæ lu-
mine comprobari posset, adeo erroris sui
tenax, ut nequidem suppliciorum metu
ad saniora reduci posse crederetur. Hunc
Legatus solidis adeo confutabat argu-
mentis, ut in se reversus, ac de humani
intellectus imbecillitate convictus, er-
rores suos publice detestaretur, quos ut
seria expiaret poenitentia, Ordinem Fra-
trum S. Pauli Eremitæ, tum in Hungaria
percelebrem, ingrediebatur.

§. CCXI.

*Ordinis Franciscanorum Præpositorus
Constantinopolim missus.*

Cum Cardinalis Legatus in Orientem
missus morbo in itinere correptus,
tardius Constantinopolim pervenisset;
Antonius Massanu, Ordinis Fratrum S.
Francisci Minister Generalis, cum prior
descessisset, summo honore, plurimisque in
S. Sedem reverentiæ, ac obsequii signis
ab Emanuele exceptus est. Cum vero
sub idem tempus Imperator in gravem
morbum Paralyfi non absimilem incidis-
set, ejusque violentia e vivis ereptus
esset, Massanu nonnisi cum Joanne
H h 4 Palæo-

Sæcul. XV.
A.C. 1422.

Palæologo, & Josepho Patriarcha negotia sibi commissa pertractare poterat. Die decima sexta Septembris in Ecclesia S. Stephani publice auditus est Massanus, & postquam pluribus mala per funestum hoc schisma Græcorum imperio illata exposuisset; simulque ingens desiderium, quo Pontifex illius extinctionem per sanctam ac stabilem utriusque Ecclesiæ unionem exoptaret, hunc in modum peroravit.

§. CCXII.

Synopsis Orationis, a Massano coram Imperatore Græcorum dictæ.

Quoniam Domino & sanctissimo Papa Martino V. dixisti voluntatem esse Patriarchæ Constantinopolitani & Imperatorum procurare, ac curare sine fraude, & do lo sanctissimam unionem Ecclesiæ Græcorum cum Ecclesia latina . . . ideo Dominus noster merito ut bonus Pastor requirit, invitatus justum ad promissum servandum . . . propter quæ sanctissimus Dominus noster Papa illico Florentiæ creavit Legatum ex latere, pro Concilio Constantinopoli fieri; fine enim Concilio visum fuit Græcorum & Latinorum præfatam unionem sequi non posse, & ipsis satis erat ad hoc faciendum. Fuit autem prædictus D. Cardinalis gravissima infirmitate in Hispania detentus. . . . Ne autem longum iter diu turna